

## ৭৫ এর কিছু স্মৃতি; কর্নেল তাহের, অসমাপ্ত বিপ্লব না ভুল তত্ত্বের পরিনতী?

**দুরের সকালঃ** মধ্য রাত থেকেই গোলাগুলির আওয়াজ পাওয়া যাচ্ছিল কিন্তু ভোরের দিকে মনে হচ্ছিল বাসার সামনেই প্রচণ্ড গোলাগুলি হচ্ছে। আরো একটু সকাল হলে ব্যালকনি থেকে দেখলাম, বাসার সামনে বেশ কয়েকটি মিলিটারী ট্রাক এবং দুই বাসা পরে ৩৩৬ এলিফ্যান্ট রোড'এর সামনে প্রচণ্ড ভীড়! বিদ্রোহী সৈনিক'রা অটোমেটিক অস্ত্রের ফাকা গুলি করে উল্লাস প্রকাশ করছিল।

এর কয়েক বছর আগে, ৩৩৬ আসেন নতুন ভাড়াটিয়া, কর্নেল তাহের (অবসরপ্রাপ্ত), বীর উত্তম! মুক্তিযুদ্ধ চলাকালীন পাকিস্তান থেকে পালিয়ে এসে যোগ দেন যুদ্ধে এবং একটি পা হারান মুক্তিযুদ্ধে। স্বাধীনতার পর কিছুদিন কুমিল্লা ক্যান্টনমেন্ট'এ ব্রিগেড কমান্ডার ছিলেন তিনি। পরে সেনাবাহিনী থেকে পদত্যাগ করেন এবং ড্রেজার সংস্কার চেয়ারম্যান নিযুক্ত হন। সাধারণত নারায়নগঞ্জ এ থাকতেন। বাসায় প্রধানত থাক তো আমাদের চেয়ে পাচ ছয় বছরের বড়, উনার দুই ছোট ভাই, বাহার ও বেলাল। দুই বীর প্রতীক!

১৯৭৫ সালের ৭ ই নভেম্বর সকালে এই বাড়িটি ই হয়েছিলো বাংলাদেশের রাজনীতির কেন্দ্রবিন্দু! বাড়িটি ছিল আমার পাড়া ও নটরডেম কলেজের বন্ধু ইফতেখার উজ্জ্ব জামান, তুহিন'(আবাহনী'র হকি খেলোয়ার) দেব। একটু পরে কর্নেল তাহের এর বাড়ি'র সামনে গেলাম, ঘটনা কি জানার জন্য! কয়েক জন সিপাহী বলছিল, ১৮-৫৭ সালে সিপাহী বিদ্রোহ হয়েছিল বিদেশী অফিসার'দের বিরুদ্ধে, আর এবারের সিপাহী বিদ্রোহ হল, দেশী অফিসার'দের বিরুদ্ধে!!

কর্নেল তাহের'কে দেখলাম, বিদ্রোহী সিপাই পরিবেষ্টিত হয়ে আর্মি'র জীপ'এ চড়ে কোথায় চলে গেলেন। মানুষের প্রশ্নের উত্তরে কর্নেল তাহের'র ছোট ভাই বেলাল জানাল, যে কোন সময় রেডিও স্টেশনে জিয়া আসবে এবং তখন তাহের ভাই আর জিয়া মিলে জাতির উদ্দেশ্যে ভাষন দিবেন। ভিড় কমে গেলে, আমরা কয়েক বন্ধু এলিফেন্ট রোড ধরে হাটতে হাটতে শাহবাগ মোড়ে গেলাম। গিয়েই শুনি কর্নেল তাহের ও খন্দকার মোস্তাক রেডিও স্টেশনে! রেডিও স্টেশনের সামনে দেখলাম বিরাট জটলা! মানুষজন বলাবলি করছে, কর্নেল তাহের, খন্দকার মোস্তাক'কে রেডিও স্টেশন থেকে বের করে দিয়েছে!

বাসায় আসতে আসতে প্রায় ২-৩'টা বেজে গ্যালো। একটু পরে দেখি কর্নেল তাহের ৩৪৬ নম্বর বাসা (বাহার, বেলাল এর বন্ধু মিটী ভাই'দের বাসা) থেকে বের হয়ে আসছেন। মুখে চিন্তার ছাপ, সুসম্পষ্ট। মিটি ভাই'কে জিজ্ঞেস করলে, বললেন, উনার টেপেরেকর্ডার এর 'স্পুলে' কর্নেল তাহের ভাষন টেপ করে নিয়ে গ্যাছেন, যে ভাষন শহীদ মিনারে বা রেডিও স্টেশনে প্রচার করা হবে, কারন জিয়াউর রহমান আর আপাতত আসছেন না!

সন্কার দিকে কর্নেল তাহের বাসায় বন্ধু টিংকু'র বড় ভাই গনবাহিনীর অন্যতম সংগঠক হাসানুল হক ইনু ভাই'কে প্রথম দেখলাম, সাথে আরো জাসদ/গনবাহিনী'র নেতারা। সবাই প্রচণ্ড ব্যস্ত। বাহার,বেলাল বন্ধুদের নিয়ে মোটর বাইকে ঝড়ের গতিতে আসা যাওয়া করছে। তখন মোবাইল ফোন আবিষ্কারও হয় নি, কর্নেল তাহের'এর বাসার টি এন্ড টি ফোনই সম্ভবত যোগাযোগের এক মাত্র উপায় ছিল! বাসার সামনের অবস্থা এবং রেডিও'র ঘোষণা থেকে ৮ নভেম্বর সকালেই মধ্যেই বুঝা গেল, বিপ্লব এর ফসল কর্নেল তাহের এর বদলে জিয়াউর রহমান'এর গোলায় উঠেছে!

**রোমান্টিক রেভুলশনারীঃ** আগামী ২১ জুলাই, কর্নেল তাহের এর ৩৪ তম মৃত্যু বার্ষিকী। মুক্তিযুদ্ধ চলাকালীন সময়ে সিরাজুল আলম খানের মত রাজনৈতিক নেতাদের সংস্পর্শে এসে, বীর মুক্তিযোদ্ধা কর্নেল তাহের (অব), মেজর জলিল (অব), ও কর্নেল জিয়াউদ্দিন আহমেদ (অব), ফিদেল ক্যাস্ট্রো'র মত জাতীয়তাবাদী থেকে সমাজতন্ত্রীতে পরিনত হয়েছিলেন। স্বাধীনতার কিছু সময়ের মধ্যেই এই তিন সেক্টর কমান্ডার সেনাবাহিনী থেকে চাকুরীচ্যুত হন বা পদত্যাগ করেন। ৬০ এর দশক'এ কিউবা'র বিপ্লবের প্রভাব এ সারা পৃথিবীতে যে রোমান্টিক রেভুলশনারী ধারা'র সৃষ্টি হয়েছিল, তার চেউ আমাদের তীরেও এসে পৌঁচেছিল। যার ফলে আমাদের দেশেও সৃষ্টি হয়েছিল ক্যাস্ট্রো আর চে'র মত, সিরাজ সিকদার, তাহের, জিয়াউদ্দিন, জলিল, নিখিল সাহা এবং আরো অনেক রোমান্টিক রেভুলশনারী।

বীর মুক্তিযোদ্ধা মেজর জলিল (অব), যোগদান করেন জাসদে এবং সভাপতির পদ পান। সেনাবাহিনী থেকে পদত্যাগের পর কর্নেল তাহের (অব) ড্রেজার সংস্কার চেয়ারম্যান (এবং একই সাথে গোপনে জাসদের গনবাহিনী'র প্রধান!) নিযুক্ত হন ও একই সাথে সেনা বাহিনী'র মধ্যে 'বিপ্লবী সৈনিক সংস্থা' গড়ে তুলেন।

স্বাধীনতা পর সিরাজ সিকদার'এর মেধা এবং ব্যক্তিত্বের কারণে কিছু মুক্তিযোদ্ধা তার দলেও যোগ দেন। তার মন্ধে কর্নেল জিয়াউদ্দিন আহমেদ(অব) বীর উত্তম, উল্লেখযোগ্য। পরে মতবিরোধের কারণে তিনি সিরাজ সিকদার এর দল ত্যাগ করেন। পরে ৯০'র দশকে চট্টগ্রাম ওয়াসা'র চেয়ারম্যান পদে কিছুদিন কাজ করেন!!

**এই নভেম্বর এর সিপাহী বিদ্রোহঃ** রাত ১২টা থেকে ভোর পর্যন্ত বিদ্রোহের মূল নায়ক ছিলেন কর্নেল তাহের । তার অনুগত বিদ্রোহী সিপাহীদের পিছন পিছন বের হয়ে আসে, ওরা নভেম্বরে ঢাকা ক্যান্টনমেন্টে ফিরে যাওয়া ট্যাংকগুলি এবং এর ফলে সাধারণ মানুষের মধ্যে বিভ্রান্তির সৃষ্টি হয়। সুযোগ সন্ধানীমোস্তাক গং এই বিভ্রান্তির ফায়দা লুটার চেষ্টা করে ( এই বিশৃংখল অবস্থায় ধূর্ত মোস্তাক বেতারে ভাষন দিতে আসলে, এক পর্যায়ে কর্নেল তাহের 'আ'ল টিয়ার ইউর টাং' বলে হুমকি দিলে মোস্তাক বেতার ভবন ত্যাগ করতে বাধ্য হয়)। সকাল থেকে দুপুর পর্যন্ত কর্নেল তাহের, মোস্তাক এর নেতৃত্বে প্রতিবিপ্লব ব্যার্থ করতে সক্ষম হলেও একই সাথে দুপুর বারোটোর পর থেকেই, তার ক্ষমতার কেন্দ্রবিন্দু, সেনাবাহিনী'র উপর থেকে তার নিয়ন্ত্রন দ্রুত কমতে থাকে।

এর প্রমান স্বরূপ আমরা দেখতে পাই, ব্রিগেডিয়ার সাখাওয়াত হোসেন এর ভাষ্যমতে রাতে বিদ্রোহের শুরুতে, সিপাহীদের শ্লোগান ছিল, 'সিপাহী সিপাহী ভাই ভাই, অফিসারের রক্ত চাই'!! কিন্তু ১৫ আগষ্ট অভ্যুত্থানে অংশগ্রহন কারী দুই ইউনিট, ২ ফিল্ড রেজিমেন্ট ও বেঙ্গল ল্যান্সার বা ট্যাংক ইউনিট এর বিদ্রোহে যোগদানের ফলে সকালের দিকে শ্লোগান বদলে গিয়ে, 'বাংলাদেশ জিন্দাবাদ' ও 'নারায়ে তাকবীর' এ রূপান্তরিত হয়।

অশিক্ষিত ও উশৃংখল সৈনিকরা 'ক্লাস লেস আর্মী'র ধারণা কে 'অফিসার লেস আর্মী'র সাথে গুলিয়ে, অফিসার হত্যায় নেমে পড়ে। এই সুযোগে, প্রতিবিপ্লবীরা (ব্রিগেডিয়ার সাখাওয়াত হোসেন এর ভাষ্যমতে, ২ ফিল্ড রেজিমেন্ট সৈনিক'রা) এরই মধ্যে তিন বীর মুক্তিযোদ্ধা খালেদ মোশাররফ, নাজমুল হুদা ও হায়দার' কে শেরে বাংলা নগরে অবস্থিত এম পি হোস্টেলের সামনেই নির্মম ভাবে হত্যা করে।

উশুংখল সৈনিকরা শুধুমাত্র ব্যক্তিগত আক্রোশে, কমপক্ষে আরও বেশ কয়েকজন সামরিক কর্মকর্তা (একজন আর্মি লেডী ডক্টর, লে কর্নেল হামিদা, ডেন্টাল সার্জন করিম, ক্যাপ্টেন আনোয়ার, লেফটেন্যান্ট মোস্তাফিজ, মেজর আজিম) ও গুলশানে বীর মুক্তিযোদ্ধা সেক্টর কমান্ডার আবু ওসমান চৌধুরীর স্ত্রী সহ রামপুরায় বাংলাদেশ টেলিভিশনের চার কর্মকর্তা কে হত্যা করে।

বিদ্রোহী সৈনিকরা কর্নেল মান্নাফ (পরে মেজর জেনারেল ও রাষ্ট্রদূত) আর তার ব্রিগেড মেজর, মেজর তফসির আহমেদকে চরম ভাবে লাঞ্ছিত করে। অনেক অফিসার প্রাণভয়ে আত্মগোপন করেন। বিদ্রোহের নেতা হিসাবে যার দায়ভার অনেকটা কর্নেল তাহের এর উপর ও বর্তায়। ফলে তিনি সেনাবাহিনী'র অফিসারদের কাছে আরো অগ্রহনযোগ্য হয়ে পড়েন।

**কর্নেল তাহের (অব) এর সীমাবদ্ধতা:** এক কালের পেশাগত সৈনিক, মুক্তিযোদ্ধা ও পরবর্তী'তে সমাজতন্ত্রী কর্নেল তাহের, জাসদ নেতৃত্বের কথায় যেমন খুব অনুপ্রাণিত হয়েছিলেন, তেমনি তাদের অতিরঞ্জিত কথায় ও আশ্বাসে, খুব বিশ্বাস করেছিলেন। স্বল্প সংখ্যক অনুগত সৈনিক ছাড়া বাকী সেনাবাহিনী'তে কর্নেল তাহের এর তেমন কোন সমর্থন ছিল না, বললে ভুল বলা হবে না। একই সাথে জাসদ নেতৃত্ব তাদের প্রতিশ্রুতি মোতাবেক জনসমর্থন এর এক শতাংশ'ও রাজপথে নামাতে ব্যর্থ হন। তাই ক্যান্টনমেন্ট এর ভিতরে ও বাহিরের পরিস্থিতি'র নিয়ন্ত্রন দ্রুত কর্নেল তাহের'এর হাতছাড়া হয়ে যায়।

অতিরিক্ত আত্মবিশ্বাস ও কর্নেল তাহের এর কাল হয়ে দাড়িয়েছিল। নির্মল সেন এর সাথে সাক্ষাতকারে ( কর্নেল তাহের এর ওয়েব সাইট'এ প্রকাশিত) তিনি দাবী করেছিলেন বা বিশ্বাস করতেন, তার কিছু হলে, সব ক্যান্টনমেন্ট এ বিদ্রোহের আগুন জ্বলে উঠবে! কিন্তু বাস্তবে তার কিছুই হয় নি।

ঢাকা ক্যান্টনমেন্ট এর সিগন্যাল, সাপ্লাই ও কারনিক সিপাহী'দের মধ্যেই কর্নেল তাহের'এর 'বিপ্লবী সৈনিক সংস্থা'র কার্যকলাপ ও প্রভাব সীমাবদ্ধ ছিল। ১৫ আগষ্ট অভ্যুত্থানে অংশগ্রহন কারী দুই ইউনিট, ২ ফিল্ড রেজিমেন্ট ও বেঙ্গল ল্যান্সার বা ট্যাংক ইউনিট, নিজেদের স্বার্থেই এই বিদ্রোহে যোগ দেয়। তাদের আনুগত্য বরাবরই ছিল মোস্তাক' এবং ফারুক-রশীদ গং এর প্রতি, তাহেরের প্রতি নয়। ওরা নভেম্বর ফারুক-রশীদ গং দেশ ছাড়তে বাধ্য হলে তারা সামরিক নেতৃত্বহীন হয়ে পড়ে এবং এই দু'টি ইউনিট মোস্তাক কর্তৃক নিয়োজিত সেনাপ্রধান জেনারেল জিয়াউর রহমান প্রতি স্বাভাবিক কারনেই আনুগত্য প্রকাশ করে। কারন জেনারেল সফিউল্লাহ'র স্থলে জেনারেল জিয়াউর রহমান'কে মোস্তাক গং'ই, সেনাপ্রধান নিযুক্ত করে।

সেনাবাহিনী থেকে তিনবছর আগে রিটায়ার্ড ও সেনাবাহিনী'র সাথে সংশ্পর্সহীণ, 'ক্লাস লেস আর্মী'র প্রবক্তা কর্নেল তাহের'এর সমর্থন, এমনিতেই অফিসার পর্যায়ে ছিল প্রায় শূন্যের কাছে। শুধু মাত্র মেজর জিয়াউদ্দিন (শরনখোলা থানা আক্রমণের নেতা, বর্তমানে চিংড়ি ব্যবসায়ী, যিনি দুবলা'র চরের জিয়াউদ্দিন নামে পরিচিত) ছাড়া আর কোন সামরিক অফিসার'কে তিনি দলে টানতে পারেন নি! নিয়ন্ত্রনহীন, উশুংখল সৈনিকদের, অফিসার হত্যায় ফলে কর্নেল তাহের, সেনাবাহিনী'র অফিসারদের কাছে একেবারে অগ্রহনযোগ্য হয়ে পড়েন। তাহেরের পা'র নিচ থেকে খুবই দ্রুত, মাটি সরে যেতে থাকে। জাসদের গনবাহিনী 'কাগুজে বাঘে' বলে প্রতিয়মান হয়।

খালেদ মোশাররফের মত তাহের'ও রেডিও তে ভাষন না দিয়ে, ব্যাপক পরিচিত হওয়ার বা তার উদ্দেশ্য প্রচারের সবচেয়ে বড় সুযোগ'টি হেলায় হারান! সি জি এস হিসাবে খালেদ মোশাররফের সেনাবাহিনীতে ব্যাপক ও জনসাধারণের মধ্যে প্রয়োজনীয় পরিচিতি থাকলেও, সেনাবাহিনী থেকে তিনবছর আগে রিটায়ার্ড তাহের'এর পরিচিতি শুধুমাত্র তার সমর্থকদের মধ্যেই সীমাবদ্ধ ছিল।

বিপ্লব সফল করার জন্য, তার বিপ্লবের আদর্শ বা উদ্দেশ্য কি ছিল, তা অন্যান্য ক্যান্টনমেন্ট এর সিপাহীদের এবং জনসাধারণ'এর কাছে পৌঁছানোর খুবই প্রয়োজন ছিল।

এর বিপরীতে আমরা দেখতে পাই, তাহেরের কথা অনুসারে, জিয়াউর রহমান রেডিও স্টেশনে না গিয়েও (যেহেতু রেডিও স্টেশন ক্যান্টনমেন্ট'এর বাইরে এবং তা দুপুর পর্যন্ত তাহের'এর সমর্থকদের নিয়ন্ত্রনে ছিল), পরে তার ভাষন টেপ করে প্রচারের জন্য রেডিও স্টেশনে পাঠিয়ে দেন। রেডিও তে নাম প্রচারের সুফল যে কতটা ফলপ্রসূ, তা ৭১ সালে'ই জিয়াউর রহমান বুঝেছিলেন। জিয়াউর রহমান তার ভাষন 'বিসমিল্লাহ' দিয়ে শুরু করেন এবং 'বাংলাদেশ জিন্দাবাদ' দিয়ে শেষ করেন, এবং একই সাথে তার রাজনৈতিক দৃষ্টিভঙ্গি সম্পর্কে সুস্পষ্ট ইঙ্গিত দিয়ে দেন।

**ক্ষমতার লড়াই ও তাহের'এর হিসাবে গড়মিল!** সামরিক বাহিনীর রিটার্ড স্মার্ট অফিসার কর্নেল তাহের, যে কোন হিসাবে ধরে নিয়েছিলেন, ততকালীন সেনাপ্রধান জেনারেল জিয়া তার কথামত চলবে তা'র হিসাব মিলানো সত্যিই অসম্ভব! সেনাপ্রধান জেনারেল জিয়া সেনাবাহিনী'তে তাহের থেকে অনেক অনেক বেশী পরিচিত এবং জনপ্রিয় ছিলেন। 'আর্মীর চেইন অফ কমান্ড' অনুযায়ী সব অফিসার, সেনাপ্রধান জেনারেল জিয়া'র কমান্ড ফলো করতে বাধ্য ছিল। অন্যদিকে যুদ্ধাহত মুক্তিযোদ্ধা তাহের এর ব্যাপারে কারো কারো সহানুভূতি থাকলেও, তার বিপ্লবের প্রতি কারো কোন সমর্থন ছিল না।

জেনারেল জিয়াউর রহমান, প্রথমে তাকে উদ্ধার করার জন্য কর্নেল তাহের এর কাছে কৃতজ্ঞতা প্রকাশ করলেও, নিজের অবস্থা সংহত করার পর থেকেই স্বাভাবিক কারনেই জেনারেল জিয়াউর রহমান, কর্নেল তাহের এর সাথে দূরত্ব বজায় রাখেন। জিয়া হাতছাড়া হয়ে যাওয়ার পর, কর্নেল তাহের আবার বিদ্রোহের চেষ্টা চালাতে থাকেন এবং এক পর্যায়ে কর্নেল তাহের ঢাকা ইউনিভার্সিটি'র এস, এম হল এর হাউস টিউটর এর বাসা এবং হাসানুল হক হাতিরপুল এলাকা থেকে গ্রেপ্তার হন।

পরবর্তী'তে জেনারেল জিয়াউর রহমান কর্তৃক গঠিত সামরিক ট্রাইবুনাল কর্নেল তাহের কে দোষী সাব্যস্ত করে এবং ১৯৭৬ সালের ২১ এ জুলাই ঢাকা সেন্ট্রাল জেল'এ এই ফাঁসী কার্যকর করা হয়। এভাবেই জেনারেল জিয়াউর রহমান'কে সামনে রেখে, কর্নেল তাহেরের মাধ্যমে জাসদের ক্ষমতা দখলের ফর্মুলা ব্যর্থ প্রমানিত হয়। আর এই এক্সপেরিমেন্টের মূল্য হিসাবে দিতে হয় কর্নেল তাহেরের জীবন।

ব্রিগেডিয়ার সাখাওয়াত হোসেন এর ভাষ্যমতে তাহের এর প্লান ছিল, অফিসার হত্যার মধ্য দিয়ে আর্মীর চেইন অফ কমান্ড' ধ্বংস করে, আর্মী'র নিয়ন্ত্রন নিয়ে নেওয়া, (এবং পরবর্তীতে সুবিধাজনক অবস্থায় জেনারেল জিয়া'কে হত্যা করা)। প্রাক্তন আর্মী ইন্টিলিজেন্স অফিসার, সেনাপ্রধান জেনারেল জিয়া'র পক্ষে সে উদ্দেশ্য বুঝতে খুব একটা দেরী হয় নাই, তাই সময় মতো, জিয়াই, তাহের'কে ফাঁসি'তে ঝুলিয়ে দেন। তাহের যেহেতু অনেকটা 'ওয়ান ম্যান শো' ছিলেন, তাই তার মৃত্যুর মধ্য দিয়ে তার স্বপ্নের সমাধি ঘটে। তার বিপ্লব অসমাপ্ত'ই থেকে যায়।

জাসদ এর ভাষ্য ও দাবী অনুযায়ী, 'তাহের জিয়া'র প্রান রক্ষা করেন এবং জিয়া তার প্রতিদানে তাহের এর সাথে বিশ্বাসঘাতকতা করেন এবং পরবর্তী'তে তাহের'কে ফাঁসি দেন"! ব্যাপারটা'কি আসলে তাই! মোটেই তা নয়। খালেদ মোশাররফ এবং শাফায়াত জামিল, চাইলে ওরা নভেম্বরেই জিয়াউর রহমান'কে হত্যা করতে পারতেন। তারা শুধু জিয়াউর রহমান'কে গৃহবন্দী করে রাখেন। তাই জিয়াউর রহমান'এর প্রান রক্ষা করার দাবী ধোপে টিকবে না। আর জিয়াউর রহমান'কে মুক্ত

করার দাবীদার ২ ফিল্ড রেজিমেন্ট এর সৈনিক'রা। তবে তাহেরের সিপাহী বিদ্রোহ যে, সেই মুক্ত করার পরিবেশ ও সুযোগ তৈরী করে দিয়েছিল তা অবশ্যই স্বীকার করতে হবে।

**জেনারেল জিয়া:** আসাধরন ইন্টুইসন, দ্রুত পরিস্থিতি অনুধাবন ও সিদ্ধান্ত গ্রহনের অধিকারী ও স্মার্ট জেনারেল জিয়াউর রহমান মুক্ত হবার পর সরাসরি তার প্রতি অনুগত ২ ফিল্ড রেজিমেন্টে চলে যান এবং নিজস্ব অবস্থান সুসংহত করেন। এখানে উল্লেখযোগ্য যে এই ২ ফিল্ড রেজিমেন্ট রশীদের নেতৃত্বে, ১৫ আগষ্ট অভ্যুত্থানে অংশগ্রহন কারী দু'টি ইউনিটের একটি, অন্যটি ফারুকের নেতৃত্বাধীণ বেঙ্গল ল্যান্সার বা ট্যাংক ইউনিট। এখানে আরো উল্লেখযোগ্য যে, ৩ রা নভেম্বরের অভ্যুত্থানে, খালেদ মোশাররফ, শাফায়াত জামিলের নেতৃত্বে ৪৬ ইনফ্যান্ট্রি ব্রিগেডের ১ম, ২য় ও ৪ বেঙ্গল অংশগ্রহন করে। অভ্যুত্থান ব্যার্থ হয়ে যাওয়াতে, এই তিনটি ইউনিট নিজস্ব হয়ে পড়ে। ফলে ২ ফিল্ড রেজিমেন্ট ও বেঙ্গল ল্যান্সার বা ট্যাংক ইউনিট ঢাকা ক্যান্টনমেন্ট এর মূল চালিকা শক্তি'তে পরিনত হয়!

**ফাইনেস্ট মোমেন্ট অফ জেনারেল জিয়া:** এই রকম এক চরম ঘোলাটে অবস্থায়, সেনা অফিসারদের এক সমাবেশে জেনারেল জিয়াউর রহমান সঠিক নেতৃত্ব দিয়ে পরিস্থিতি' সামাল দেন এবং সেনাবাহিনী'কে (এবং দেশ'কে) চরম বিপর্যয়ের হাত থেকে রক্ষা করেন। জিয়াউর রহমান'এর কোর্সোমেইট এবং ততকালীন ঢাকা ক্যান্টনমেন্ট এর লগ এরিয়া কমান্ডার, লে কর্নেল হামিদ, পি, এস, সি'র ভাষ্য অনুযায়ী, সেনা অফিসারদের উদ্দেশ্যে এক সভায় জেনারেল জিয়াউর রহমান বলেন, 'ডোট রান, ইফ ইউ রান, দে উইল চেইস ইউ, এষ্ট লাইক আন অফিসার এন্ড সেইফ দ্য নেশান'।

নিরপেক্ষ বিচারে ৭'ই নভেম্বর হচ্ছে জেনারেল জিয়াউর রহমান'এর জীবনে'র চরম ও উজ্জ্বলতম ক্ষণ। ১৯৭১ সালে 'সঠিক সময়ে সঠিক জায়গায়' থাকার কারণে প্রথম সামরিক অফিসার হিসাবে জিয়াউর রহমান বঙ্গবন্ধুর পক্ষে স্বাধীনতার ঘোষণা পাঠ করেন, যা মানুষকে সাহস জোগায়। সেখানে মেজর রফিক বা মেজর সফিউল্লাহ ঘোষণা পাঠ করলেও, ফলাফল একি হতো, দেশ একই দিনে, ১৬ ডিসেম্বর'ই স্বাধীন হতো, কোন হেরফের হতো না।

অন্যদিকে ৭ নভেম্বর, জেনারেল জিয়াউর রহমান ছিলেন সেনাপ্রধান। একদিকে বঙ্গবন্ধু ও জাতীয় চার নেতা নিহত। অন্যদিকে জেনারেল সফিউল্লাহ অপসারিত, সি জি এস খালেদ মোশাররফ ও কে এন হুদা নিহত। একদিকে নেতৃত্বে চরম শূন্যতা এবং অন্যদিকে সিপাহী বিদ্রোহ কর্নেল তাহেরের নিয়ন্ত্রনের বাইরে চলে গ্যাছে, যে কোন সময় অন্যান্য ক্যান্টনমেন্ট গুলিতে ছড়িয়ে পড়তে পারে। ঠিক সেই সময় জেনারেল জিয়াউর রহমান'এর সঠিক নেতৃত্ব দেশকে অনেক প্রানহানি ও চরম বিপর্যয়ের হাত থেকে বাচায়। ৭ নভেম্বর, জেনারেল জিয়াউর রহমান সাহসের সাথে সেনা অফিসারদের নেতৃত্ব না দিলে, দেশের নেতৃত্ব, প্রথমে (লাইবেরিয়া'র মত) অশিক্ষিত ও উশুংখল সৈনিক'দের হাতে চলে যাওয়ার এবং পরে গৃহযুদ্ধ শুরু হওয়ার সমূহ সম্ভাবনা ছিল।

**জাসদের হঠকারী ও অদূরদর্শী রাজনীতি:** জাসদের স্বপ্নদ্রষ্টা বা মূল হোতা, সিরাজুল আলম খানের মত মেধাবী, তাত্তিক কিন্তু বিপদগ্রামী, ক্ষমতা লিপ্সু এবং হঠকারী নেতাদের কারণে স্বাধীনতা পরবর্তী সময়ে (১৯৭২ - ১৯৭৫), অনেক প্রতিভাবান যুবক অকারনে জীবন বিসর্জন দিয়েছিল (কর্নেল তাহের এর ওয়েব সাইট'এ 'প্রেরনা'র মুখ' দেখুন)। তাদের গন বাহিনীর মত সংগঠন এ যোগ দিয়ে অকারনে জীবন ও ভবিষ্যত বিসর্জন দিয়েছিল হাজার হাজার সম্ভাবনাময় তরুন ও যুবক। একই সাথে মেধাবী ও ক্ষমতালোভী এই তাত্তিক নেতা, নিজের ও দলের সীমাবদ্ধতা, বাংলাদেশের মানুষের মন মানসিকতা, সামাজিক ও অর্থনৈতিক প্রেক্ষাপট, ধর্মীয় প্রভাব বুঝতে ব্যার্থ হয়েছিলে। তাই তাদের শ্রেণী সংগ্রাম এর স্বপ্ন এই দেশের মাটিতে কখনোই দৃঢ় শেকড় গাড়তে পারেনি□

সিরাজুল আলম খান ও তার অনুসারীগণ, স্বাধীনতার পর থেকেই নিজেদের ওভার এস্টিমেট করেছিলেন। তারা সব কিছুই তাড়াহুড়া করতে গিয়ে বার বার নিজেদের দলের বিপর্যয় ডেকে আনা ছাড়াও, সদ্য স্বাধীন দেশে আস্থির পরিস্থিতি'র সৃষ্টি করেছিলেন। একই সময়ে জাসদের, বঙ্গবন্ধু'র মত নেতাকে চ্যালেঞ্জ করার মধ্য দিয়ে নিজেদের দুর্বলতা বা সীমাবদ্ধতাই জনসমক্ষে প্রকাশিত হয়ে পড়ে! একই সময়ে স্বাধীনতা যুদ্ধে পরাজিত মৌলবাদী শক্তিও তাদের 'সেন্টারে' এসে আশ্রয় নিয়েছিল। তাই আমরা দেখতে পাই, জিয়াউর রহমান, ধর্মভিত্তিক রাজনীতি'র অনুমুতি দেওয়ার পর থেকেই জাসদের জনসমর্থন কর্পূরের মত উবে যায়।

এই প্রসঙ্গে কয়েকটি উদাহরণ দেয়া যেতে পারে। ১৯৭৪ এ কুচক্রী মোস্তাক ও ক্ষমতালোভী মনি'র কুপরামর্শে বঙ্গবন্ধু তার সবচেয়ে মেধাবী ও যোগ্য সহকর্মী তাজউদ্দিন আহমেদ'কে আবমূল্যায়ন করে দূরে সরিয়ে দেন। নির্লোভ ও বুদ্ধিমান তাজউদ্দিন আহমেদ' কিন্তু বঙ্গবন্ধুকে চ্যালেঞ্জ করেন নাই। ওরা নভেম্বর জেলহত্যার শিকার না হলে, বঙ্গবন্ধু'র অবর্তমানে তাজউদ্দিন আহমেদ'ই যে আরো একবার আওয়ামী লিগের হাল ধরতেন তা বলার অপেক্ষা রাখে না।

আমরা আরো দেখতে পাই মাও সেতুং এর সাথে মতভেদ থাকা সত্ত্বেও শুধু মাত্র ধৈর্য্য ধরার কারণে, দেং জিয়াও পিং, (এক যুগ এর পরে মাও সেতুং, এর মৃত্যুর পর) তার অনুসারীদের নিয়ে চীনের নীতি নির্ধারক হন!

সিরাজুল আলম খান ও তাদের অনুসারীগণ, সদ্য স্বাধীন বাংলাদেশ'এ অনেক গঠনমূলক ভূমিকা রাখতে পারতেন। আওয়ামী লিগে ত্যাগ না করলে, ৭৫ এর আগে তারা মোস্তাকের মত প্রতিক্রিয়াশীল'দের বিপক্ষে তাজউদ্দিন আহমেদ এর মত প্রগতিশীল নেতাদের পক্ষে গুরুত্বপূর্ণ অবদান রাখতে পারতেন। আর ৭৫ এর ট্রাজেডির পর, নিশ্চিত ভাবে তারাই হতে পারতেন (রাজ্জাক-তোফায়েল এর জায়গায়) আওয়ামী লিগের কান্ডারী। দেং জিয়াও পিং এর মতো, সিরাজুল আলম খান ও তার অনুসারীদের, হয়তো এত বছর অপেক্ষা করতে হতো না।

সিরাজুল আলম খান (এক সময় দাদা নামে কর্মীদের মধ্যে ব্যাপক জনপ্রিয় থাকলেও, পরবর্তীতে তার হঠকারী ও ধংসাত্মক কার্যকলাপ'এর জন্য 'কাপালিক' নামেই বেশী পরিচিতি পান), বীর মুক্তি যোদ্ধা কর্নেল তাহের (অব) বীর উত্তম কে ফাঁসির মঞ্চের দিকে ঠেলে দিয়ে, হাজার হাজার মেধাবী তরুন, যুবকের জীবন, মেধা ও সম্ভাবনার অপমৃত্যু ঘটিয়ে (, এখন স্বাভাবিক(!) জীবন যাপন করছেন।

কর্নেল তাহেরের আগে, সকলের অলক্ষ্যে, জাসদের অনুসারী আরেক দেশপ্রেমিক, বুয়েটের লেকচারার, নিখিল সাহা ২৬ নভেম্বর ১৯৭৪ এ প্রাণ দেন। নিখিল সাহা, তার উদ্ভাবিত গ্রেনেড, যা 'নিখিল বোমা' নামে গনবাহিনী'র মধ্যে জনপ্রিয় ছিল, তা'র চূড়ান্ত পরীক্ষা কালে (জার্মানী'তে পি এইচ ডি করতে যাওয়ার মাত্র কয়েকদিন আগে) বিস্ফোরনে নিহত হন। মেধার কি দারুন অপচয়!

ভাগ্যের কি নির্মম পরিহাস, সিরাজুল আলম খান'এর যেই অনুসারীগণ, যেমন রব, ইনু,বেলাল (৭২-৭৫) বঙ্গবন্ধুর চরম বিরোধীতা করেছিলে। তারাই নিজেদের সীমাবদ্ধতা বুঝতে পেরে দুই যুগ পরে বঙ্গবন্ধু কন্যা শেখ হাসিনার কৃপা'য় মন্ত্রী, এম পি হয়ে জীবনের চরম সার্থকতা খুজে পেয়েছেন!!

**এক মুক্তিযোদ্ধা পরিবারের কাহিনী:** বীর মুক্তি যোদ্ধা কর্নেল তাহের (অব) বীর উত্তম এর আদর্শ ও দেশপ্রেম অনেক মেধাবী তরুন, যুবককে অনুপ্রানিত করেছিল, যেমনটি করেছিল তার তিন সহোদরকে। কর্নেল তাহের পরিবারই বাংলাদেশ'এর একমাত্র পরিবার যা'র চার চারজন সদস্য, মুক্তিযুদ্ধে অংশগ্রহন করে বীরত্বের জন্য খেতাব পেয়েছেন।

বীর মুক্তি যোদ্ধা কর্নেল তাহের (অব) বীর উত্তম এর অনুজ, ওয়ারেসাত হোসেন বেলাল বীর প্রতীক, এক সময়ের জাসদের গনবাহিনীর সক্রিয় জানবাজ সদস্য, অনেক ঘাত প্রতিঘাত (প্রথমে ভারতীয় হাই কমিশনার সমর সেন কে অপহরনের চেষ্টাকালে আহত এবং পরে কারাবাস, '৮০'র দশকে লেবানন এ ইসরাইলী আগ্রাসনের বিরুদ্ধে যুদ্ধে অংশগ্রহণকারী) অতিক্রম করে মুক্তিযুদ্ধের মূলধারায় ফিরে এসেছেন। তিনি এখন জাতীয় সংসদে, বাংলাদেশ আওয়ামী লীগ দলীয় সংসদ সদস্য।

অন্য দুই সহোদর প্রয়াত আবু ইউসুফ খান, বীর বিক্রম ও সাখাওয়াত হোসেন বাহার, বীর প্রতীক (কর্নেল তাহেরকে মুক্ত করার জন্য ভারতীয় হাই কমিশনার সমর সেন কে অপহরনের চেষ্টাকালে আরো তিনজন এর সাথে নিহত), খেতাবপ্রাপ্ত বীর মুক্তি যোদ্ধা।

কর্নেল তাহের গ্রেফতার হওয়ার পরে জাসদ বা তার গনবাহিনী'র ভিত্তি যে কতটা দুর্বল তা জনসমক্ষে চলে আসে। শুধুমাত্র, তাহের এর দুই ভাই ও তাদের চার গনবাহিনী'র বন্ধু মিলে ২৬ নভেম্বর, ৭৫ ভারতীয় হাই কমিশনার সমর সেন কে অপহরনের মাধ্যমে জিম্মি করে, 'মুক্তিপন হিসাবে' কর্নেল তাহের'কে মুক্ত করার ব্যর্থ চেষ্টা করেন।

**শেষ স্মৃতি:** ২৬ নভেম্বর সকালে ইউনিভার্সিটি ল্যাবরেটরী স্কুলে ক্লাস নাইন'এর ফাইনাল পরীক্ষা চলছিল। সকালে স্কুলে যাওয়ার পথে দেখি, সব সময় টি শার্ট পরা দুই ভাই, বাহার ও বেলাল, 'সুট' পরে মোটর সাইকেল স্টার্ট দিচ্ছে! আমি কিছুটা অবাক হয়ে তাকিয়ে থাকলে, বাহার হেসে ফ্যালাে আর আমি স্কুলে পথে পা চালাই। পরীক্ষা শেষে বাসায় ফিরার সময়, কর্নেল তাহের এর উপর তলা'র বারান্দা থেকে তুহিন জানাল, "ওই শুনছস, ইন্ডিয়ান হাইকমিশনে বাহার মারা গ্যাছে"! দুপুর বারোটোর খবরে শুনলাম, ইন্ডিয়ান হাইকমিশনে'এর সেই মিশনে বাহার সহ চারজন নিহত হয়, আহত অবস্থায় বেলাল ও আর একজন ধরা পড়ে। আজো মনে পড়ে, মৃত্যুর ঘন্টাখানেক আগে বাহারের সেই হাসির কথা!

**ইতিহাসের শিক্ষা:** রাজনৈতিক'দের নিজের সীমাবদ্ধতা সম্পর্কে এবং রাজনৈতিক প্রতিদ্বন্দ্বী'দের ক্ষমতা ও গ্রহনযোগ্যতা সম্পর্কে স্বচ্ছ ধারণা থাকা এবং সেই সঙ্গে দেশ ও মানুষের মন মানসিকতা, সামাজিক ও অর্থনৈতিক প্রেক্ষাপট, ধর্মীয় প্রভাব বুঝতে পারাটা যে কত জরুরী তা কর্নেল তাহের'এর মর্মান্তিক পরিনতী'ই স্মরণ করিয়ে দেয়। শুধু মাত্র সৎ ও দেশপ্রেমিক হলেই যে, কোন রাজনৈতিক' বা তার মতবাদ সাধারণ মানুষের কাছে গ্রহনযোগ্য হবে, এমন কোন গ্যারান্টি নাই। বাংলাদেশ'এ বিশেষত চরম ডান বা বাম দলের আবেদন কোণ কালেই গ্রহনযোগ্য হয় নাই।

কর্নেল তাহের'এর নেতৃত্বে সিপাহীরা যে দাবী পেশ করে, জিয়াউর রহমান তার কিছু কিছু মেনে নেন এবং ফলে সিপাহীদের মধ্যে জিয়াউর রহমান'এর গ্রহনযোগ্যতা অনেক বেড়ে যায়। এখানে লক্ষ্য করার বিষয় হলো, কর্নেল তাহের ও কর্নেল জিয়াউদ্দিন দুজনেই স্বাধীনতার পর পর কুমিল্লা ও ঢাকা ব্রিগেড কমান্ডার ছিলেন। এই দুই চৌকষ মুক্তিযোদ্ধা অফিসার পদত্যাগ না করে, সেনা বাহিনীতে থেকে চেষ্টা করলে সেনাবাহিনী'র মধ্যে আরো অনেক সহজে, অনেক আগেই, সব না হলেও, কিছু দাবী পূরণ করা সম্ভব হতো।

যদিও বলা হয়ে থাকে, কোন আত্মদান'ই বৃথা যায় না, কথাটা কতটুকু সত্য তা নিয়ে মতভেদ আছে। কিন্তু ইতিহাস প্রমান করে যে ভুল নেতৃত্বের নির্দেশনার জন্য অনেক আত্মত্যাগ'ই অপচয় এর কাছাকাছি পর্যায়ে চলে যেতে পারে। কর্নেল তাহের'এর, 'মত ও পথ' নিয়ে অনেক বিতর্কের অবকাশ থাকলেও, দেশ ও দেশের মানুষের জন্য তার ও তার পরিবারের সততা, ভালবাসা ও আত্মত্যাগ নিয়ে কোন তর্কের অবকাশ নাই।

**পাদটীকাঃ** ৭০-৮০'র দশকে ঢাকা'র দেয়ালে জাসদের লিখন ছিল, “ বিপ্লব ধ্বংসের তাড়ব লীলা নয়, সৃষ্টির প্রসব বেদনা (ডেলিভারী পেইন) মাত্র”! সিরাজুল আলম খানের ব্রেইন চাইন্ড, জাসদ, অনেক অমূল্য প্রান ধ্বংস করলেও, অরাজকতা এবং রব, শাজাহান সিরাজ, ইনু'র মত ধান্দাবাজ রাজনীতিবিদ ছাড়া আর কোন কিছুই সৃষ্টি করতে পারেন নাই। সিরাজুল আলম খানের মত হাতুড়ে ডাক্তারের ভুল প্রেশক্রিপশনে'র ফলে, বার বার জাসদের নরমাল ডেলিভারী'র বদলে মিসক্যারেজ হয়েছে। সেই মিসক্যারেজ এর রক্তক্ষরন হিসাবে ঝরে গ্যাছে, কর্নেল তাহের, নিখিল সাহা'র মত অজস্র দেশপ্রেমিক'দের জীবন।

তথ্য সূত্রঃ

- ১। বাংলাদেশঃ রক্তাক্ত অধ্যায় ১৯৭৫-৮১; ব্রিগেডিয়ার সাখাওয়াত হোসেন
- ২। ৭৫ এর তিনটি অভূথ্যানঃ লে কর্নেল আব্দুল হামিদ
- ৩। বাংলাদেশ, দ্য আন ফিনিশড রেভুলশন, লরেন্স লিফস্য়লজ
- ৪। সেনাবাহিনীর অভ্যন্তরে আটশ বছর, মেজর জেনারেল মুহম্মদ ইব্রাহীম
- ৫। কর্নেল তাহের ওয়েব সাইট <http://www.col-taher.com/>
- ৭৫ এ প্রতক্ষ্যদর্শী, লেখক

নাজমুল আহসান শেখ, প্রকৌশলী, রাজনৈতিক বিশ্লেষক, ১২ জুলাই, ২০১০, সিডনী,